

I  
 Typis J. QUILLAUV, Universitatis & Facultatis Medicinæ Typographi.

# DEO OPTIMO MAX.

UNI ET TRINO, VIRGINI DEIPARÆ,  
 & S. Lucæ Orthodox. Medicorum Patrono.

## QUÆSTIO MEDICA,

QUOD LIBETARIIS DISPUTATIONIBUS  
*manè discutienda in Scholis Medicorum die Jovis*  
*11<sup>a</sup> Januarii 1725.*

M. GUILLELMO-JOSEPHO DE LESPINE,  
 Doctore Medico, Præside.

*An inspiratus aër sanguini misceatur?*

### I.

**A**ER fluidum illud adeo tenue, quo replentur omnia corporum interstitia, universo terrarum orbi circumfunditur. Hunc & gravem esse & elasticum vix pueri ignorant. Quænam sit partium illius naturam constituentium figura magis ambigitur. Hunc plerique volunt esse ramosum & filaminibus in spirulam contortis constare : gravitatem ex communi corporum gravium causa impertitam fuisse asserunt. Elasticitatem à figurâ oriri affirmant. Filamina aëris, antequam in spirulam contorqueantur, poros habent transversos. Hi recti sunt & cylindrici. Si fibrillas aëris in gyrum flectas, conicam, seu infundibuli formam induent : Angustior per interiorem spiræ superficiem erit aditus, latior per exteriorem. Interim materia subtilis, seu purior æther, per latiora facta, extus hiancia pororum ostiola turmatim irruens, solito crebrius coni extremi parietes intimos percutit, ut latiorē sibi procuret exitum, sique poris, qui è cylindricis conici evaserant priorem formam resti-

A

tuere perpetuò fatagit. Et jam certè eam recepiſſent aëris fibrillæ, niſi moles totius athmoſphæræ deſuper incumbens jugiter in hunc elaterem ſe ſe expedientem reageret. Hæc pro varia ſua altitudine plùs minùſve corpora ſubjecta comprimit. Goſſipii inſtar in cumulum congeſti, partes inſimæ & cæteris omnibus ſubſtratæ, magis conſtrictæ ſunt quam ſuperincumbentes. Sic pro vario aëris pondere plùs, minùs compreſſi, creſcit aëris elãſtica viſ; ſic major fit & corporum omnium ſubjacentium compreſſio. Hac lege corpus humanum ne excipias. Comprimitur quoque, & tantà mole contereretur, niſi intùs foret alia viſ quæ pari virtute reſiſteret. Hanc ex eodem penu depromi exiſtiſpès. Aëri nihil reſiſter aptius quam ipſe aër: intùs inſuſus exteriori ſuſtinendo par erit: Sanguini permixtum, cave ne inutilem aſſeras: Iter, per quod ſanguini immiſceatur, impervium quoque ne dixeris, Quod ſi præter hæc duo ſanguinem è pulmone reducem aëre de novo imprægnatum fuiſſe comperias quidnà eum inſpiratum, per pulmonum ſubſtantiam trajectum fuiſſe conſpicere licebit.

## II.

**P**ULMONIS præcipuè, etſi omnium partium mirabilis admodum fabrica. Pro parenchymate & carne olim habitus, nunc pro membranaceâ ſubſtantiâ ab omnibus accipitur. In medio ventre poſitus, in tres præcipuas partes diſtinguitur; primam, cannam pulmonalem, aut trachæam, alperamve arteriam vocant. Pluribus & ipſa gaudet partibus. Initium larynx dicitur: ex; cartilaginum conjunctione conflatur: Anterior & latiffimus Thyroides: inferior cricoides: Is annularis quoque & circularis dictus, cannam pulmonum amplectitur: Poſteriores duo huic inſident ſub Arrenoideon nomine. Per ſuperiorem partem hi ambo paululum diſſident. Sic fit rimula; Hæc vocatur Glottis, quam ſupra hederæ folio ſimilis membrana cartilaginea protenditur. Quando ſuper hanc veluti pontem alimenta ab ore in fiſtulam uſque cibalem devehuntur, glottidem diligentiffimè obturat: Singula quæque cartilago propriis eſt inſtructa mûſculis, quorum vario motu, vocis varii ſunt flexus. Cannæ pulmonalis pars inferior anteriùs convexa eſt, poſterioriùs plana & mollis. Conſtat ſegmentis circulatorum membranâ duplici ad invicem apenſis. Interior una, altera exterior. Tenuior hæc, totam trachæam ad lobos uſque pulmonum inveſtit: Craſſior illa, mûſculoſa eſt fibrifque conſtat circularibus & longitudinalibus: Huic binæ aliæ adnatæ ſunt vaſculoſa una, altera glanduloſa, quæ mucum ſive rorem interiùs ſeparet, ad temperandam aëris acrimoniam, & faucium ſiccitatem præcavendam. Mirum, quàm exquiſito ſenſu prædita hæc membrana: Hanc, vel mica panis fortuitò cum aëre hauſta, offendit: cauſam aſſigna fibrillarum

nervearum laryngi & Trachææ sese inferentium infinitam fere propaginem : Suppeditantur ab utroque nervo recurrente cui se comitem in reditu jungit furculus è fasciculo paris vagi & intercostalis eâdem vaginâ inclusorum demissus. Habet arterias à ramo bronchiali ab aorta oriundo. Hunc detexit Cl. Ruisch. Venæ reduces abeunt in cavam. Aspera tandem hæc arteria ab oris fundo ad quartam-usque thoracis vertebra protenditur : ibi in duas partes bifida, suum nomen amittit, & bronchia dicuntur hujus bifurcatæ rami. Horum eadem structura, contextus idem, solâ cartilaginum exceptâ figurâ : hæ non segmenta circuli sunt, sed annuli integri adeò fabrefacti, ut in loricæ modum inferiores superiorum cavitates subeant. Tertia tandem pulmonis pars est substantia mollis, rara, tota membranacea, in duos lobos divisa : Intæ utrumque septum interjacet medium sterno & vertebriis dorsii adhærens : circum, membrana volvitur, quæ pleura audit ; sic cavitates adsunt duæ : In dextrâ lobus qui continetur in tres lobulos denuò dividitur ; qui in sinistrâ in duos tantum. Uterque rete est admirabile vasorum cujuscumque generis ; nervorum, lymphæ ductuum, arteriarum venarumque duplicis generis, cellularum & vesicularum, sese invicem decussantium. Nervi, propagines sunt paris vagi ; lymphæ ductus convexam pulmonis substantiam totam perreptant : ligato ductu thoracico, in quem hiant, faciliè percipiuntur. Arteriarum una sanguinem devehit novam præparationem subiturum, altera ad nutritum partium ; hæc ab aortâ per 2 aut 3 furculos originem sumit, illa à cordis ventriculo dextro per unum crassumque truncum exurgit. De venis pariter, una sanguinem nutritio perfundum munere in venam azygosim per 2 aut 3 furculos revehit ; aliæ 4 amplæ & capaces per unicam allatum arteriam ad cordis sinistrum ventriculum referunt. Hæc omnia diverſi generis vasa milliès alia cum aliis complicata immensæ tenuitatis reticulo vesiculas omnes involvunt. Hæ in formam uvarum dispositæ, bronchiorum membranaceæ sunt expansiones, muscularibus ideo fibris aliquot præditæ, quâ (si irritentur) possint aërem foràs protrudere. In has hiant duplicis generis pori, alii ab arteriis oriundi, alii à venis. Hæc omnia à naturâ quis comparata esse non agnoverit, ut aer massam sanguineam subeat ? Si præcipue attenderit absolutæ necessitatis esse præsentiam aëris elastici in omnibus corporis humoribus ; nullum iter aptius aperiri potuisse, quam quod datur trans pulmones, per quod liquoribus internis commisceretur ; & (quod omnia superat argumentum) illius de novo recepti in sanguinem certa dari signa post exitum è pulmone.

**A**Dperennandum, qui cœpit semel, fluidorum in corpore motum, quam necessarius sit aer, nedum inutilis, satis indicat sanguinis natura: Ille sine mora nec requie per singulas corporis fibrillas rapiendus, constat partibus fibrosis, solidis imò & glutinosis; testis cita illius è venâ extracti coagulatio. Ubique comprimitur, tum elasticâ vi vasorum continentium, tum atmosphæræ aëris incumbentis impulsu. Nunquam certè cum hâc partium structurâ & dispositione moveretur sanguis, nisi aliundè missa vis intus molem hanc ex se inertem agitaret. Hæc est vividus aer puro serenoque cœlo exceptus: Hic sanguini fluiditatem perenni suo motu impertitur: Hic æqualiter compressus ac externus aer, illius incumbentis molem & impetum sustinet ac repellit, sicque sanguini minus compresso dat celeri posse se fugâ proripere. Quod si prorsus ille defecerit, mors ostia pulsât. Si nimis rarefactus fuerit (ut in collibus) propter majorem expansionem molemque vasa sanguifera non subit nisi disrumpendo: Hinc hæmoptylis. At hunc in sanguine otiosum esse, dubium tollit suprema conditoris sapientia, quæ alioquin hunc ipsi commisceri non permisisset: Maximâ copiâ in illo contineri probat autopsia: Saliva quæ ex sanguine excernitur, bullis aëreis maximè conspicuis scaturit, aquæ innatat: cucurbitularum applicatio in partibus quibulibet corporis facta aërem in ipsis existere tumore excitato prodit. Verbo sanguis, è venâ recens extractus, anthliæ pneumaticæ expositus, totus in bullulas assurgens, & spatium duodecies majus illo quo continebatur totum omninò complens, mixtionis argumentum minimè ambiguum. At per pulmones ingressum esse affirmare ne dubires: Via patet apta & facilis: Per musculos ad id officii destinatos, sublevatis antrorsum costis veris, spuris dilatatis, complanato diaphragmate, aer proprio pondere & elasticâ vi per trachæam & bronchia irruens, in vesiculas facilè cedentes defertur. Ibi rorem quemdam, seu lympham per poros arteriarum transudatam reperit: cum hâc miscetur, & contractis priorum muscutorum antagonists, contractis & ipsis muscularibus pulmonum fibris, aer qui prius oculis invisus, ingressus fuerat, conspicuus in formam fuliginum foras protruditur. Tunc exspiratio dicitur: At in hoc ultimo motu aërem qui inspiratus fuit, integrum reddi ne existimes: In istâ expulsiõe compressus non minus in fundam vesicularum reagit quam versus egressum. Hæ, ut diximus vasibus omnis generis pereptantibus irretitæ, ut arterias, ita continent & venas: Ut his pori adsunt qui succum excrementitium aut potius recrementitium foras asportent ita & venis non desunt, qui nimium resorbeant. Sic isti rotæ, seu succo jam exsudato commixtus aer, pulmones ingressus, eadem vi in sangui-

5

nem protruditur quâ foràs expellebatur. At ne hoc temerè assertum arguas, novâ istius imprægnationis in pulmone, non alibi, factæ certantur signa. Undè enim color sanguini per venam pulmonalem ad lævum cordis ventriculum reduci, spumeus, rutilans & coccineus : è dextro cordis ventriculo ad pulmonem missus, fuscus, tantum non ater videbatur : Nunc puniceo colore pulcherrimo ex pulmone egressus rutilat. In phlebotomiis experientia docet quod si in angustum vas deciduum sanguinem exceperis, in nigerrimum coagulum ille coalescet ; contra in latam expanfamque pelvim excipe, utpote in quem liberior aeri detur aditus rutilo & coccineo fulgebit colore. Cur non idem in pulmone fieri dixeris ? In vasis aut visceribus angustioribus antea contentus, nunc in viscus omnium longè maximum, illudque rareficibile irrepit : Ibi in unâ ferè quâque sui particulâ, aëris impulsui, contactui obnoxius est, ipsique commixtus expanditur : Et verò quem in finem velles unicæ tantum arteriæ, per quam allatus in pulmones fuit sanguis respondere venas 4, easque amplas admodum, nisi novâ accessione, (nempe aëris inspirati) dives sanguis plurimum expansus fuisset & rarefactus, sicque molem priori volumine majorem occuparet ? Cur sinistrarum sinistri cordis ventriculi tam firma strictaque compages, cavitas dexterâ non major ? Nisi quia aer exceptus naturâ suâ compressilis majori robore cudi debebat, & comprimi, ne sanguineam massam nimis expanderet.

#### I V.

**A**Bsolutam aëris in sanguinem per pulmones excipiendi necessitatem, nutritii succi promotio satis indicat. Antequam pulmones subeat sanguis, jam accepit chilum & ventriculi dextri motu jam certè commixtus nondum ideo tamen nutritatui idoneus. Vasa enim sanguinea nutriticia non ex arteriâ pulmonali sed ex aortâ mutuatur : Cor pariter non ex arteriâ pulmonali, quamvis omnium arteriarum primâ, sanguinem suæ nutritioni dicatum accipit, sed ab aortâ quoque mutuari cogitur. Succo tamen nutritio refectus est iste sanguis in arteriâ pulmonum contentus, eoque elaborato jam & tenui, sed ex se pondus iners, animam quærit in pulmone, qua vincat minimorum arteriæ ramulorum resistentias. Hinc ad nutritionem promovendam, aeris in sanguinem per pulmones excipiendi necessitas. Quod ad pervium aëri ad sanguinem usque per pulmones iter, demonstrat anatome. Corde & pulmonibus junioris vituli è thorace recenter extractis, truncum aortæ, prope cor, ligat. Deindè calami ope per cannam pulmonalem oris halitum leniter intro-mittas ; venas permeabit aër, & miraberis venas pulmonales auriculamque cordis sinistram imò & principium aortæ ad ligaturam usque intu-

mescere. Idem experimentum in humanis partibus, nunquam fallente successu tentatum deprehendit Got. Bergerus. Simul addit, quod idem accidet si per trachæam, aquam tepidam, non limpidam tantum, sed & coloratam, etiam si lenissimè (ne disruptionem fieri arguant) introducas. Ut autem liber datur ab externis ad interiora venarum transitus, ita & ab internis arteriarum partibus ad exteriora per trachæam reperiri evincit injectio liquoris tepidi per arteriam pulmonalem, quo experimento, non tantum per venam cognominem, sed & per trachæam observatur immixtus latex redire. Per has arteriarum aperturas plurimum egeritur serum cum aere inspirato commiscendum & per venarum poros, dum superfluum in fuligines abit denuò resorbendum. Per hanc viam aerem grassari in sanguinem extrâ dubium ponit Cl. Louveri experimentum eum in finem institutum ut cognosceret an revera in pulmone colorem hunc rutilum & coccineum acquireret. Præclusâ in cane respiratione, totus sanguis à vertice ad plantam subito fuscus redditur: Redditâ primum restituitur in splendorem. Accepit igitur canem vivum, trajectâ subter trachæam acu filo instructâ aeri per bronchia irruenti intercludit aditum in pulmones. Dein è carotidibus unam lanceolâ perforavit, quæ brevi tempore integrum misit sanguinem fuscum nigrumque. Alterum canem non sic præfocata respiratione, per carotidem similiter sectam ad ultimam usque guttulam, rutilum rejectare sanguinem cognovit. Tandem omnibus coronidem imponit, experimentum factum à clarissimo Domino Mery Regiæ Scientiarum Academiæ Socio. Ille canis ligati, ut moris est abdomen aperuit: peritâ manu venam cavam ascendentem dextrè à superincumbentibus visceribus membranisque involventibus denudavit. Nudatæ vinculum injecit. Sub ligaturâ vas secuit, statim pleno flumine exundare sanguis, mox bullulæ aëris 3, 4, 5 & sex linearum longitudinis unâ cum sanguine prodire, & sic ad ultimum usque experimenti finem continuata est illa bullarum sanguinearum & aërearum alternata series. Unde verò tantâ copiâ prodiiisset, nisi per pulmones ad cor delatus aer, ex illo per aortam ad usque venularum radices minimas appulisset, à quibus resorptus unâ cum sanguine communem venæ cavæ truncum tandem petiit.

## V.

**A**T nobis non reponant aërem posse quidem reperiri in sanguine, sed in ipso tantæ non esse necessitatis, cum & ipse fœtus illo per novem menses abstineat, nec minimè tamen lædatur illius sanitas. Qui hæc objicerent, iis sanè minis explorata vera rerum natura; nec norunt cum ipsâ matre communi respiratione uti fœtus. Non quod



per propria organa nondum natus infans aërem ducat. Sed cùm sanguis maternus aëre totus fuerit in thorace per inspirationem imprægnatus; infans qui hunc sanguinem placenta & funiculi umbilicalis ope recipit, nova ventilatione non indiget antequam in auras prolatus novo & proprio vitæ systemate utatur. Hinc in fœtu nulla per thoracem respiratio propria; at in adulto ejus vel minima derelictio morte plectitur. Hoc de fœtu assertum quotidiana probat experientia, juxta observationem jam laudati Academici. Ille variis in patribus hæc annotavit. In partu difficili, & puero se contra naturam obstetrici offerente, capite scilicet adhuc incluso remanente, si quando funiculus umbilicalis comprimebatur, tunc in promptæ mortis periculum præfens incidebat fœtus, nisi peritâ celerique manu ex orci faucibus eriperetur. Contra verò in naturali partu, capite pueri scilicet jam liberato & corpore fœtus in vaginâ marris adhuc contento, quamvis funiculus ita compressus foret, ut communicatio sanguinis à matre advecti prorsus interciperetur; tunc etiam si partus longus foret, difficilis & labore plenus, tamen non moriebatur infans, quia scilicet aëris usurâ per proprios pulmones jam factus campos aëris à matre subvenientis subsidio non indiget. Non urgeant quod si daretur aëri per pulmones ingressus, sputa cruenta perpetuò ejiceremus. Sanguis merus seu ruber, globulosus est crassiorque multò, aëre qui loca maximè recondita subit, ut pote qui putamen ovi gallinacei transgreditur, & in obruso illius vertice satis magnâ copiâ reperitur. Oculi conspiciillis armati sanguinis globulos deprehendant, dum aëris ramosæ partes visum fugiunt. Instabant forsan hunc aërem chili ope in sanguinem fuisse introductum non per pulmones? Verùm advertant ejusmodi intromissum aërem non nisi per vices longo intervallo à se distantes posse recipi: alimenta enim unâ quâque horâ non assumuntur! Illa autem intromissio continua nec intermissa esse debet, Novum suppeditandum esse uno quoque temporis momento prodit non diu intermittenda respiratio. Insuper non nisi minima quantitate per alimenta intromitti potest. Aër enim alimentis inclusus, nisi prorsus evolvatur, digestio imperfecta remanet, sicque particulae crassiores adhuc, aërque illis contentus tenuia lacteorum vasorum orificia nunquam subibunt. Si prorsus evolutus fuerit, tunc propter calorem loci rarefit & expanditur. Sicque non totus per minimas particulas divisus sanguini commiscetur. Præterea vi non intruditur in vasa lactea, contra in pulmones eadem vi quâ foras protruditur impulsus in interiora venarum penetrat, & propter

minimam moram nondum rarefactus, maxima mole & copia, per ostia  
totidem quot sunt venularum tenuissimæ propagines intromittitur.

*Ergo inspiratus aër sanguini miscetur.*

Domini Doctores disputaturi.

M. Joannes - Damianus Chevalier.	M. Emmanuel - Mauricius du Verney.	M. Michael-Ludovicus Re- neauve de la Garenne, Regia Scientiarum Aca- demie Socius.
M. Claudius Brunet.	M. Ludovicus - Claudius Bourdalin.	M. Raymundus - Jacobus Finot, rei herbaria Pro- fessor.
M. Ludovicus de Santeul.	M. Michael - Ludovicus Vernage.	M. Philippus de Berdegay- raye.

Proponerebat Parisiis, FRANCISCUS MERY,  
Parisiensis, Baccalaureus Medicus. A. R. S. H. M. DCC. XXV.  
à sextâ ad meridiem.